

են միայն այն դէպքում, երբ մասնաւոր համաձայնութիւն կայացնեն նրանց տէրերի հետ: Բայց ես միջոցներ ձեռք կառնեմ բաւարարութիւն տալու համար գիւղացիների հողային պահանջներին, յանձնելով նրանց օգտուելու արքունի ազատ հողերով, նպաստաւոր պայմաններով, և ձեռք բերել մասնաւոր հողատէրերի հողերը, գնելով այդ հողերը գիւղական հողային բանկի անկցութեամբ:

Ի վերջոյ, հրաւիրում եմ գիւղացիներին զբաղուել հանդարտ իրանց տնտեսական գործերով, չհաւատալ չարամիտ անձանց շուկներին, և յիշել, որ Թագաւոր Կայսրը կայսրութեան ժողովրդի բարօրութեան համար ունեցած Իր հոգսերից գլխաւորն համարում է մեծաքանակ գիւղական դասակարգի ամենալաւ կենցաղի բարեկազմութիւնը:

Գնե՛րալ-ադմիրալնաւ կոմս Արոնցով-Դաշկով:

Մի կարեւոր բացատրութիւն

Մայրաքաղաքի մի քանի թերթերում լոյս տեսան մի քանի յօդուածներ, որոնք նուիրուած էին Կովկասում ոստիկանութեան գլխաւորի նոր պաշտօն հաստատուելու մասին և որոնց մէջ ի միջի այլոց մատնացոյց էին անում այն հանգամանքի վրայ, որ մայիսի 22-ին Բարձրագոյն հրամանով ներքին գործոց մինիստրի օգնականին շնորհած առանձին լիազօրութիւնը, որ տարածուած է նաև ոստիկանութեան վրայ, ցոյց է տալիս տէրունական քաղաքականութեան հակուիլը դէպի ընդհանրապէս և մասնաւորապէս Կովկասի համար նշանակում է ընդհանրական այն սխատմի շարունակութիւնը, որը գործադրուած էր իշխան Գոլիցինի ժամանակ:

Ձօշափելով ներքին գործոց մինիստրի օգնականին շնորհած այն լիազօրութեան պատճառները, որի իրաւասութեան ներքոյ գտնուում է և ոստիկանութեան կառավարութիւնը, և ոչ մի առանձին նշանակութիւն չտալով, որ այդ փաստը եղաւ ճիշդ այն ժամանակ, երբ Կովկասում ոստիկանութեան գլխաւորի պաշտօն հիմնեցին, վերջին փաստի առիթով «Разсвѣтъ» լրագիրը հաղորդում է հետեւեալ փաստերը, որ իբր թէ նա հաւաքել է փոխարքայութեան կազմակերպութեան գործին շատ մօտ մասնակցութիւն ունեցող մի անձից:

Կովկասում ընդհանուր և քաղաքական ոստիկանութեան կազմակերպութեան հարցը վաղուց է կազմում Փոխարքայի առանձին հոգատարութեան նիւթը, որ շատ լաւ գիտակցում

է այդ հիմնարկութիւնների դեֆեկտը իր կառավարութեան յանձնուած երկրի համար: Հէնց դրա համար էլ Փոխարքան վրդովուած երկրի խաղաղութեան գործը իր վրայ վերցնելով, ջերմ ցանկութիւն յայտնեց ամեն միջոցների դիմելու վերոյիշեալ հիմնարկութիւնները կանոնաւորելու և նրանց գործունէութիւնը խիստ օրինաւորութեան հողի վրայ միացնելու, առաջնորդելով այն հիմնական մտքով, որ Կովկասի վարչական իշխանութիւնների ոչ կազմակերպուած և թոյլ լինելը, որ մանաւանդ աչքի ընկաւ Բագուի, Օզուրգէտի, Երևանի և ուրիշ տեղերի ցաւալի անցքերի ժամանակ, յաճախ պատճառ է այն կամայականութեան գործադրութեան, որի հեռացնելը Փոխարքայի ամենագլխաւոր խնդիրն է կազմում: Որովհետեւ ընդհանուր և քաղաքական ոստիկանութեան այս կամ այն պաշտօնեաներից և նրանց, իրանց պարտականութեան գիտակցութիւնից է կախուած բնակիչների խաղաղութեանը և վերջիններիս իշխանութեան վերաբերմամբ տածած վստահութիւնը: Պրա համար էլ Փոխարքան անհրաժեշտ համարեց իր խնամքին Բարձրագոյն յանձնուած երկրում մի այնպիսի օրգան ստեղծել, որ յարմարութիւն տար ամբողջ երկրի ոստիկանութեան պաշտօնեաների գործողութիւնները բազմազան կոնտրոլի ենթարկելու և բացի դրանից նա միացրել է ոստիկանական բոլոր հիմնարկութիւնների գործունէութիւնը խիստ օրինաւորութեան հողի վրայ: Այդ գործունէութիւնը պէտք է համապատասխան լինի Կովկասի վերաբերմամբ տէրունական քաղաքականութեան այն հիմնական սկզբունքներին, որոնց մասին Փոխարքան արդէն յայտնել է Կովկասի ազգաբնակչութիւնից իրան ներկայացած զանազան պատգամաւորութիւններին: Հէնց այդ նպատակով էլ յայտարարուել է մայիսի 22-ի օրէնսդրական ակտը, որ հետեւապէս ընկնիայի սկզբնաւորութեան նշան չէ, կամ թէ որ և է փոփոխութիւն՝ Փոխարքայի վերոյիշեալ հիմնական հայեացքների մէջ նրա առաջիկայ հոգատարութեան նիւթ կազմող հարցի վերաբերմամբ: Բարձրագոյն հրամանը իրականացնում է Փոխարքայի այն ցանկութիւնը, որով նա կամենում է իր կառավարութեան յանձնուած երկրում վրդովուած խաղաղութիւնը վերականգնել: (Кавказъ):

Երեւանի ժամանակատար գններալ-նահանգապետ պրինց Լուի Նապոլէօնի կողք Երեւանեան նահանգի ազգաբնակչութեան

Ներկայ տարուայ յունիսի 16-ի Բարձրագոյն ուկազով